

## **Eqikkaaneq Aningaasanik ingerlataqarneq pillugu inatsimmi allanngutit Kalaallit Nunaanni atuutilersinneqarneri pillugit peqqussut**

### **1. Aallaqqaasiut**

Kunngip peqqussutaanut missingiutini nassiunneqartuni siunertaq tassaavoq aningaasanik ingerlataqarneq pillugu inatsisip, kunngip peqqussutaatigut Kalaallit Nunaanni atuutilersinneqartumi nutarterineq, taamaalilluni Kalaallit Nunaanni inatsisit 2014 tikillugu Danmarkimi inatsisinut naapertuutilersinneqarlutik, ilaatigut CRR pillugu peqqussut aamma CRD IV-mi malitassaq Danmarkimi atuutilersinneqarsimallutik.

Aningaasanik ingerlataqarneq pillugu Danmarkimi inatsit tamatuma kingorna aningaasanik ingerlaqarneq pillugu inatsisip Kalaallit Nunaanni atuutilersinneqarnera pillugu maannakkut peqqussut nr. 838, 14. august 2012-imeersoq arlaleriarluni allanngortinneqarsimavoq. Allannguutit taakku maannakkut peqqussutikkut Kalaallit Nunaanni atuutilersinneqarput. Inatsisinik allannguinerit suut Kalaallit Nunaanni atuutilersinneqarnerisut pillugit takussutissiami ataaniittumi immikkoortoq 2-mi nassaarineqarsinnaapput.

Immikkoortut aappaanni allannguutit allatorneqartut taamaalillutik tassaapput piffissap ingerlanerani allannguutit, Danmarkimi inatsimmi isumagineqarsimasut, aamma Kalaallit Nunaanni atuutilersinneqartussat, CRR-ip aamma CRD IV-p malitsigisaannik kingusinnerusukkut allannguutit naammassineqarsinnaasunngortillugit.

### **2. Allannguutit pillugit takussutissiaq**

Kalaallit Nunaanni inatsisinik nutarterineq inatsisinik allanngortinneqartunik makkununga tunngasuuvoq:

- inatsit nr. 1553, 21. december 2010-meersumi § 2
- inatsit nr. 1556, 21. december 2010-meersumi § 1
- inatsit nr. 456, 18. maj 2011-meersumi § 229
- inatsit nr. 616, 14. juni 2011-meersumi § 2
- inatsit nr. 1382, 28. december 2011-meersumi § 14
- inatsit nr. 155, 28. februar 2012-imeersumi § 1
- inatsit nr. 273, 27. marts 2012-imeersumi § 2
- inatsit nr. 557, 18. juni 2012-imeersumi § 2
- inatsit nr. 1231, 18. december 2012-imeersumi § 35
- inatsit nr. 1287, 19. december 2012-imeersumi § 1
- inatsit nr. 1383, 23. december 2012-imeersumi § 5

- inatsit nr. 598, 12. juni 2013-imeersumi § 197
- inatsit nr. 599, 12. juni 2013-imeersumi § 28
- inatsit nr. 615, 12. juni 2013-imeersumi § 1
- inatsit nr. 617, 12. juni 2013-imeersumi § 2
- inatsit nr. 639, 12. juni 2013-imeersumi § 25
- inatsit nr. 1367, 10. december 2013-imeersumi § 3
- inatsit nr. 1613, 26. december 2013-imeersumi § 1
- inatsit nr. 268, 25. marts 2014-imeersumi § 1

Inatsisit allattorneqartut aningaasanut tunngasuni inatsisinik arlalinnik allannguinerik imaqarput. Peqqussutinilli allannguneq manna aningaasanik ingerlataqarneq pillugu inatsini allannguutit kisiisa Kalaallit Nunaanni atuutilersippai, taamaalilluni paragraffinut innersuussinerit allanneqarput. Inatsisit sinneri, inatsisini allattorneqartuni allangortinneqartut piffissami kingusinnerusumi Kalaallit Nunaanni atuutilersinneqarumaarput, Kalaallit Nunaata tungaaniit tamatumingga kissaatqartoqarpat.

Massakkut oqaatigineqassaaq akiliinermi kiffartuussineq aamma aningaasat elektroniskiusut pillugit inatsisip Kalaallit Nunaanni atuutilersinneqarnissaa pillugu kissaatqarneq saqqummiunneqarsimammat.

### **3. Kunngip peqqussutissaatut siunnersuutit ataasiakkaat pillugit erseqqinnerusumik oqaatigumasat**

Tulliuttumi kunngip peqqussutaatigut inatsisit Kalaallit Nunaanni atuutilersinneqarsinnaasut inatsisitigut allannguutit immikkoortup aappaani allattorneqarsimasut malillugit allannguutit pingaarnerit misissorneqarput Kalaallit Nunaanni pissutsit naapertorlugit allannguuteqartillugit.

Ataani allaaserinninnerup saniatigut inatsisinut allannguutinut ataasiakkaanut nassuiaatinut innersuus-sisoqarpoq.

#### **3.1 Akiliisarnermik kiffartuussineq pillugu inatsimmi, aningaasanik ingerlataqarneq pillugu inatsimmi, iluanaarutininik pinerlunnikkut aningaasarsiat aningaaserivimmumt inissinnerinut aamma pinerliiniartarnerit aningaasalersorneqartarnerinut pitsaaliuilluni aqqi-nerit pillugit inatsimmi aamma atuisinut isumaqatigiissutit ilaanni allannguneq pillugu inatsimmi nr. 1553, 21. december 2010-meersumi § 2 (E-ningaasanik naalakkiutip il.il. naammassineqarnera)**

Aningaasanik elektroniskiusunik atulersitsisut kunngip peqqussutissatut siunnersuutip matuma tungaanut kunngip peqqussutaatigut Kalaallit Nunaanni atuutilersinneqartumi aningaasanik ingerlataqarneq pillugu inatsimmi kapitali 19-imi malittarisassaqaartinneqarsimapput. Allannguutissatut siunnersuutikkut Kalaallit Nunaanni atuutilersinneqartumi aningaasanik ingerlataqarneq pillugu inatsimmik malittarisassaqaartitsineq taanna atorunnaarpoq. Allannguutissatut siunnersuutikkut aningaasanik elektroniskiusunik atulersitsisunut malittarisassaliorneq akiliinermi kiffartuussineq aamma aningaasat elektroniskiusut pillugit inatsimmut nuunneqarput.

Akiliinermi kiffartuussineq aamma aningaasat elektroniskiusut pillugit inatsit kunngip peqqussutaatigut Kalaallit Nunaanni atuutilersinneqassasoq naatsorsuutigineqarpoq.

**3.2 Aningaasanik ingerlataqarneq pillugu inatsimmi, iluanaarutininik pinerlunnikkut aningaasarsiat aningaaserivimmumt inissinnerinut aamma pinerliiniartarneri aningaasalersornerinut pitsaaliuilluni aaqiinerit pillugit inatsimmi, aningaasaq pillugu inatsimmi inatsisinilu allani assigiinngitsuni allanngineq pillugu inatsimmi nr. 1556, 21. december 2010-meersumi § 1 (Aningaasatigut siunnersuisunut piginnaasatigut piumasaqaatit, taarsigassarsianik annaaneqariaannarnik nalunaaqutserisuineq, akissarsisitsisarneq pillugu politikki, pappiaqqanik a-ningaasanik nalilinnik atulersitsisunut paasissutissiinissamut pi-sussaaffik, tamanut saqqummiussineq, allaffissornikkut akiliisitsiniutit, akiligassanik isumannaajaaneq aamma akiliinernik isumaginninneq, aningaasanngortitsineq il.il.)**

*Aningaasatigut siunnersortinut piginnaasatigut piumasaqaatit*

Aningaasatigut siunnersortinut piginnaasatigut piumasaqaatinut tunngatillugu allannguutissatut siunnersuutit sulisut, aningaasatigut tunisassiat pillugit siunnersuisartut, pisariitsunik annertuunillu, taamatut siunnersuinissamut pisariaqartunik piginnaasaqarnissaasa qulakkeerneqarnissaanut peqataassapput. Siunnersuuteqarnikkut aningaasatigut siunnersortinut piginnaasatigut piumasaqaatit pillugit maleruagassanik inuussutissarsiornermut siuariartormullu ministerip aalajangersaanissamut piginnaatitsissummik ikkussisoqarpoq. Siunnersuutikkut qulakkeerneqassaaq piumasaqaatit taakku Kalaallit Nunaanni a-ningaaserivinnut aamma aningaasaateqarfinnut akunnermuliuttartunut, nunanit allaniit aningaaserivinnut taakkununga immikkoortortaanut aamma aningaasaliinissamut siunnersortinut piumasarineqarsinnaaneri qulakkeerneqassaaq.

*Taarsigassarsilluni aningaasaliinissamut inerteqqutip erseqqissarnera*

Peqqussutissamut siunnersuummi erseqqissarneqarpoq kunngip peqqussutaatigut Kalaallit Nunaannut atulersinneqartumi aningaasanik ingerlatsineq pillugu inatsimmi, aningaasanik ingerlatsivimmi taarsigassarsisitsisumi, aktiatigut, piginneqataassutigut qularnaveeqqusinermilu up-pernarsaatini, a-ningaasaatinut aningaasaliissutitigut taarsigassarsinissamut inerteqqutit aamma atuuttuusut, taarsigassarsinissaq pillugu neqeroorut aningaasatigut ingerlatsiviup nammineq suliniuteqarneratigut tunniunneqarnani. Aningaasanik ingerlatsiviup aningaasaatigut upalungaarsimanerata nukittorsarnissaanut soqutiginninnera sullitamut eqqarsaatiginninnermut annerulernginnissaata qulakkeerneqarnissaanut tamanna peqataassaaq.

*Aqutsisunik sulisunillu, suliffeqarfiup annertuumik annaasaqaatigisinnaasaannut annertuumik sunniuteqartumik suliaqartunik akissarsisitsisarneq*

Peqqussummi akissarsisitsisarneq pillugu maleruagassani siunertaavoq aningaasanik ingerlataqarfiit aamma aningaasanik piginnittutut suliffeqarfiit aqutsisunik sulisunillu, suliffeqarfiup qularnartuutaanut annertuumik sunniuteqartumik suliaqartunik akissarsisitsisarneq ingasattumik annaasaqariaannarnik pissusilersornissamik kinguneqannginnissaa. Taamaattumik siunnersuutigineqarpoq Kalaallit Nunaannut kunngip peqqussutaatigut atuutilersinneqartumi aningaasanik ingerlatsineq pillugu inatsimmi aalajangersakkamik ikkussisoqassasoq aningaasanik

ingerlataqarfinni akissarsiatigut politikki suleriaaserlu aarlerinartunik peqqinnartumik kinguneqarluartumillu aqutsinermut naapertuutissasoq siuarsaassasorlu.

Aammattaaq siunnersuutigineqarpoq akiligassarsisitsisarfinni aamma aningaasaateqarfinni akunnermuliuttartuni akissarsisitsineq pillugu maleruagassat ilassaannik ikkussisoqassasoq, tassunga ilanngullugit akissarsiat aalajangersimasut allanngorartullu tulluurtumik oqimaaqatigiinnissaannik piumasaqaat, akissarsiat allanngorartut ilaanik aktianik il.il. akilerneqartarnissaat, akissarsiat allanngorartut ilaasa kinguartinneqarsinnaanerit kiisalu akissarsiat allanngorartut akilinnginnissaannut periarfissaqarneq imaluunniit pisut ilaanni akissarsiat allanngorartut utertillugit akilerneqarnissaannik piumasaqarsinnaaneq.

Kiisalu siunnersuutigineqarluni siulersuisut ataanni akissarsiat pillugit ataatsimiititaliamik suliffeqarfinni anginerusuni pilersitsisoqarnissaa pillugu piumasaqaat, aamma sulisut suliffeqarfiup annaasaqaatigisinnaasaannut annertuumik sunniuteqartut pillugit akissarsiat pillugit politikki aamma akissarsisitsisarneq pillugu paasissutissat erseqqinnerusumik naatsorsorneqarsimasut suliffeqarfiup tamanut saqqummiuttassagai.

Sakkut ilaasa, tassunga ilanngullugit piginneqataassutini periarfissat, akissarsiat allanngorartut ilaattut atorneqarsinnaanerisa killilerniarneqarnerinut ilaasumik aamma siunnersuutigineqarpoq aningaasanik ingerlataqarfinni aningaasanillu piginnittut suliffeqarfinni siulersuisut qullersaqarfillu eqqarsaatigalugit akissarsiat ilai allanngorartut akissarsiat aamma tunngaviumik aalajangersimasut akissarsiat pensionit ilanngullugit annerpaamik 12,5 pct.-iinik taakku naatsorsornerini piffissami annertussuseqarnissaannik maleruagassaqaassasoq.

#### *Nuussinerit pillugit isumaqatigiissutit*

Siunnersuutikkut erseqqissarneqarpoq inuunermut sillimmasiisarfup sillimmasiissutigisaa nakutigineqalerpat sillimmasiisarfup imaluunniit tamanut sammisaqartup pensionskarsip nuussinerit pillugit isumaqatigiissutit aqutsisumit ataqqineqassasut, tassa imaappoq illuatungerit imminnut arlalinnik isumaqatigiissuteqarsimappata, imminnut piumasaqaataat ilanngaattissat ilanngaattigeriarlugit naatsorsorneqarsinnaasut. Siunnersuummi siunertaq taamaalilluni tassaavoq erseqqissassallugu aqutsinermut nuunnermi inuunermut sillimmasiisarfimmu annaasaqaataasussaq paasineqarpat a-ningaasatigut isumaqatigiissutit pigisatut nalillit nalunaarsorsimaffianiit aqutsisup imaaliallaannarlugit peerneqarnissai toqqarsinnaanagit, illuatigulli aqutsisup inuunermut sillimmasiisarfimmu sinneqartoortuasutut takuneqarsinnaasut aningaasatigut isumaqatigiissutit tigungmiinnarlugit.

#### *Tunngaviumik aningaasaatit pillugit maleruagassat siunissami nalunaarutikkut malittarisassaqartilernerit*

EU-mi aqqissuussinerup nutaap ilaatigut kingunerisaanik tunngaviumik aningaasaatit pillugit aalajangersakkat ingerlaavartumik iluarsineqartalissapput. Peqqussutissatut siunnersuutip taamaattumik kinguneraa aningaasatigut ingerlataqarfinni tunngaviumik aningaasaatit pillugit maleruagassat siunissami nalunaarutikkut malittarisassaqalernissaat maannakkutuunngitsoq kunngip peqqussutaatigut Kalaallit Nunaanni atulersinneqarsimasumi aningaasanik ingerlataqarneq pillugu inatsimmi toqqaannartumik.

### **3.3 Aningaasaliisartut peqatigiiffii il.il. pillugit inatsimmi nr. 456, 18. maj 2011-meersumi § 229**

Siunnersuutikkut ilaatigut aningaasaliisarnernik ingerlatsiviit aaqqissugaaneri pillugit maleruagassat kiisalu aqutsinissat aamma naatsorsuutunik saqqummiussinissaq il.il. pillugit maleruagassat allanngortinneqarput.

Aningaasaliisartut peqatigiiffii il.il. pillugit Danmarkimi inatsimmi suliakkiisinnaaneq pillugu maleruagassat nutaat siunnersuutigineqartut kingunerisaannik aamma aningaasaliisarnernik ingerlatsiviit suliakkiisinnaanerit pillugu maleruagassat aamma allanngortinneqarput. Siunissami taakku nunani allani UCITS-inut suliassanik suliakkiinermut taamaallaat tunngasuulerput.

Peqqussutissamat siunnersuutip kingunerisaanik aningaasaliisarnernik ingerlatsiviup nunagisaata maleruagassai aningaasaliisarnernik ingerlatsiviup aaqqissugaanerani, suliakkiisarnerni aamma aarlerinartunik aqutsisarnernik malittarisassaassapput. Maleruagassat taakku eqqortinnerinik nakkutillineq aningaasaliisarnernik ingerlatsiviup nunagisaani oqartussanit ingerlanneqassaaq.

Aningaasaliisarnernik ingerlatsiviup inatsisitigut aaqqissugaanera ingerlataqarneralu eqqarsaatigalugit, (ingerlataqarnermi ilaatigut eqqarsaatigineqarput aningaasaliisarnernik peqatigiiffiup akuerineqarnera, aningaasaliisarnerni politikki/inissitassat killilerneru aamma pigisat nalinginik naatsorsuineq), akerlianik aningaasaliisarnernik ingerlatsiviup nunagisaani maleruagassat atorneqassapput.

Peqqussut soqutigisatigut akerleriinnerit killeqartinnissaat pillugu maleruagassanik erseqqinnerusunik aalajangersaanissamat Finanstilsynimut piginnaatitsissummik imaqarpoq. Piginnaatitsissut aaqqissuussinikkut piumasaqaatit, soqutigisatigut akerleriinnerit, pitsaasumik ingerlatsinermi ileqqoqarneq, aarlerinartunik aqutsineq aamma toqqorsiviusup aamma ingerlatsiviup aqutsisup akornanni isumaqatigiissutip imai pillugu maleruagassanik aalajangersaanermi atorneqassaaq.

Peqqussutissatut siunnersuutikkut siunnersuutigineqarpoq oqartussat piginnaatitaasut nakkutillinerminni suleqatigiissasut, tassunga ilanngullugu kinguneqarluartumik nakkutilliinissamat pisari-aqartunik paasissutissanik imminnut pilersuinissaat.

Aamma siunnersuutigineqarpoq naalagaaffimmi ilaasortaasumi oqartussat piginnaatitaasut qinnuteqartoqarneratigut akuerisinnaagaat naalagaaffiup ilaasortaasup immikkoortuani nakkutilliilluni ingerlataqarnermi naalagaaffiup ilaasortaasup allap oqartussai piginnaatitaasut peqataasinnaasut. Tamannali naalagaaffiup ilaasortaasup kisimiilluni oqartussaanerani, sillimaniarnerani imaluunniit tamani toqqissimanermik ulorianartorsiortitsilissappat atuutissanngilaq.

Naalagaaffiup ilaasortaasup oqartussaaitai piginnaatitaasut aamma qinnuteqartoqarneratigut akuerisinnaavaat naalagaaffiup ilaasortaasup allap oqartussaaitai piginnaatitaasut nammineeertit naalagaaffiup ilaasortaasup immikkoortuani nakkutilliinermi ingerlataqarnissaat, taamaattorli naalagaaffiup ilaasortaasup oqartussaaitai piginnaatitaasut tamatigut aalajangersinnaallugu naalagaaffiup allap oqartussaaitai piginnaatitaasut sulineranni nammineq sulisui ingiaqataasinnaasut, imaluunniit nammineq nakkutillineq ingerlatissallugu.

**3.4 Inuussutissarsiornermi suliffeqarfiit ilai pillugit inatsimmik aamma aningaasanik ingerlataqarneq pillugu inatsimmik allanngueq pillugu inatsit nr. 616, 14. juni 2011-meersumi § 2 (Siusinnerusukkut aningaasanik ingerlataqarfinnik allannguerit ilaannik nakkutilliineq, sparekassinut aningaasaateqarfinnik aqutsisunut piumasaqaatit, taasisinnaatitaasut killilersornerisa allanngortinneri il.il.)**

Inuussutissarsiornermi aningaasaateqarfiit aallaaviatigut Erhvervsstyrelsimit nakkutigineqarput, taassuma inuussutissarsiornermi aningaasaateqarfiit pillugit inatsit eqqortinneqarnerisooq nakkutigisussaallugu aamma ingerlataqarnermut, tunniussinerimut nuussinernullu atatillugu aningaasaateqarfiit siunertatigut aalajangersagai inatsisillu naapertorneqarnerisut nalilersornissaannut pisariaqartunik immikkut ilisimasaqarlutik.

Peqqussutip kinguneraa Finanstilsynip nipangiussisussaataanerata allanngortinnera, taamaalluni nakkutilliivik siunissami paasissutissanik Erhvervsstyrelsimut ingerlatitseqqissinnaalluni, paasissutissat aningaasaateqarfinnik suliffeqarfinnilu pissutsinik aqutsiviup nalilersuineranut pingaaruteqarsinnaasutut naatsorsuutigineqarpata. Siumut sammisumik aqutsisoqarfik taamaalluni aningaasaateqarfiup imaluunniit peqatigiiffiup nuussineri pillugit paasissutissanik Finanstilsynimiit tiguisassaaq, Finanstilsyni aningaasatigut nakkutilliinerimut suliaqarnermigut paasissutissanik Erhvervsstyrelsip nakkutilliineranut soqutiginarsinnaasutut nalilerneqartunik naammattuuisagunik.

**3.5 Aningaasanik ingerlataqarneq pillugu inatsisip allanngortinneqarnera pillugu inatsimmi § 1-ip ilaannik, pappiaqqanik aningaasanik nalilinnik niuerneq il.il. pillugu inatsimmi, iluanaarutininik pinerlunnikkut pissarsianik aningaaserivinnut inissinnerinik aamma qunusiarinninnerit aningaasalersornerisa pitsaaliortugit aaqqiinerit pillugit inatsimmi inatsisinilu allani assigiinngitsuni kiisalu Kalaallit Nunaanni aningaasat pappiarat pillugit inatsisip atorunnaarsinnera pillugu inatsit nr. 155, 28. februar 2012-imi § 1 (Pisussaaffiusunut aningaasaliineq, danskit naatsorsuuserinerimut maleruagassaanik pinngitsoorani atuineq, CO2-mik niuerneq pillugu akitsorteriffinnut akuersineq nakkutilliinerlu aamma nalunaarsuiffiit ataatsimoorussat il.il.)**

*Killeqarfimmik qaangiisumik ingerlataqarnermut tunngasuni nalunaaruteqartussaataaneq*

Peqqussutikkut nunani Den Europæiske Unionip, Unioni Kalaallit Nunaannik isumaqatigiissuteqarfiginngisaanik imaluunniit isumaqatigiissuteqarfigisaani killeqarfimmik qaangiisumik ingerlataqarnissamik suliffeqarfit kissaateqarnerat Kalaallit Nunaanni aningaasanik ingerlataqarfiit Finanstilsynimut nalunaaruteqarnissamut pisussaaffiat eqqunneqarpoq. Nunami nunanilu allani aningaasatigut ingerlataqartut ingerlataat pillugit Finanstilsynip tamakkiisumik takusaqarsinnaanera tamatum qulakkiissavaa.

*Tunngaviusumik aningaasaatinut ilaasinnaasunik sakkunik eqqortitsineq pissarsinerlu pillugit maleruagassanik erseqqinnerusunik Finanstilsynip aalajangersaasinnaaneranut piginnaatitsissut*

Allannguatissatut siunnersuutigineqartuni tunngaviusumik aningaasaatinut ilaasinnaasunik sakkunik eqqortitsineq pissarsinerlu pillugit maleruagassanik erseqqinnerusunik Finanstilsynip aalajangersaasinnaaneranut piginnaatitsisoqalerpoq. Aningaasaatinut sakkut, tunngaviusumik anin-

gaasaatit pingaarnertut aningaasaativittut ilanngullugit naatsorsorneqarsinnaasut ilaatigut pitsa-assuseqarnissaat tamatuma qulakkiissavaa. Kunngip peqqussutaatigut atuutilersinneqartumi aningaasanik ingerlataqarneq pillugu inatsit aningaaseriviit, akiligassarsisitsisarfiit, aningaasaateqarfinnut akunnermuliuttartut aamma ani-ngaasaliisarnernik ingerlatsiviit nammineq aningaasaatinut sakkui suut tunngaviumik aningaasaatinut ilaasinnaaneri pillugit maleruagassanik Finanstilsynip aalajangersaasinnnaeranut maannakkut piginnaatitsissummik imaqaanngilaq, tassunga ilanngullu aningaasaatinut nammineq sakkunik eqqortitsineq pissarsinerlu pillugit maleruagassat. Siunnersuutikkut maleruagassanik taamatut ittunik Finanstilsynip aalajangersaasinnaanera qulakkeerniarneqarpoq.

#### *Nalunaarsugaasivinnik ataatsimoorussanik nakkutilliineq*

Peqqussutissatut siunnersuutikkut aamma qulakkeerniarneqarpoq nalunaarsugaasivinni ataatsimoorussani qarasaasiaqarnikkut isumannaallisaanermik toqqaannartumik nakkutilliinermik Finanstilsynip ingerlataqarsinnaanissaa.

#### *Finanstilsynip nakkutilliilluni sulinera*

Kunngip peqqussutaatigut atuutilersinneqartumi aningaasanik ingerlataqarneq pillugu inatsimmi § 347 b-mi allanngortitsinerup kingunerisaanik aalajangersakkat malillugit nakerisarsiuungitsumik misissuineramik ingerlatitseqqullugu Finanstilsynimit peqquneqarsinnaasoq aningaasanik ingerlataqartoq il.il., inunnik suliatigut paasisimasalinnik isumaqatigiissuteqartoq, misissuineramik ingerlataqartussaavoq. Allannguutip kingunerisaanik suliatigut paasisimasaqartunut naleqqiullugu Finanstilsyni tassaajunnaarpoq isumaqatigiissummi peqataasoq. Allannguummi siunertaq tassaavoq sukkasuumik kinguneqarluartumillu nakkutilliinermik ingerlataqarnerup qulakkeerneqarnissaata eqqarsaatigineqarnera peqatigisaanillu maleruagassanik eqqarsaatiginninneq immikkoortumi maleruagassat allat atuuttut tamanut saqqummiussinermi maleruagassanut naapertuutilersissallugit. Tamanut saqqummiussinermi maleruagassanut atatillugu aalajangersakkamik maannakkut atuinerup kingunerivaa piffissami nakkutilliineq pillugu inatsimmi unioqqutitsisoqarneranik paasisaqarnermi aalajangiiffiunngitsumi suliffeqarfik pillugu paasissutissat tamanut saqqummiussisoqassasoq, taamaallaat misissuinerup aallartinneqarnissaa pillugu aalajangiineq – tassunga ilanngullugu nakerisarsiuungitsumik misissuinermi pisutsit suut misissorneqarnissaat pillugu tamanut saqqummiussineq. Tamanna nakkutilliinermut tunngasuni tamanut saqqummiussinissaq pillugu maleruagassanut allanut naapertuutinnngilaq, isumaqarnarlunilu suliani taamaaqataani Finanstilsynip sulissaani tamanna nipangiussisussaataitanermut naapertuutinnngitsaq, § 347 b-mut ilaasuni piffissami siusissorujussuakkut tamanut saqqummiussisoqarluni.

**3.6 Aningaasaliissuteqartunut aamma aningaasaliisunut qularnaveeqqusiisarfik pillugu inatsisip, aningaasanik ingerlataqarneq pillugu inatsisip, pappiaqqanik aningaasanik nallinneq il.il. niurneq pillugu inatsisip, aningaasatigut patajaanneq pillugu inatsisip aamma akileraarusiineq pillugu inatsisip allanngortinnera pillugu inatsit nr. 273, 27. marts 2012-meersumi § 2 (Aningaasaliissuteqartunut aamma Aningaasaliisunut Qularnaveeqqusiisarfik pillugu aningaasalersueriaatsip allanngortinnera, katinnermi nassatanik aqqqissuussinerup annertusineqarnera, ajornartoornep isumagineqarneranut atasumik akuersissutip ingerlatiinnarnera aamma paasissutissanik il.il. isertuussassanik Finanstilsynip ingerlatitseqqinnera)**

### *Akuersissutip atatiinnarera*

Siunnersuutigineqarpoq kunngip peqqussutaatigut Kalaallit Nunaanni atuutilersinneqartumik aningaasanik ingerlataqarneq pillugu inatsimmi, imaluunniit Finanstilsynimit aalajangersarneqartut akissaqassusermut piumasaqaatinik piffissap erseqqinnerusumik aalajangersarneqartup iluani aningaaserivik eqqortitsinngippat akuersissutip utertinneqarnissaa pillugu aallaaviusumiit Finanstilsyni aalajangiisinnaassasoq, tulluurtumik isumaginissaata eqqarsaatiginissaa imaluunniit atorunnaarsitsinissamut pissutissaqarpat.

### *Aningaasanik ingerlataqarfiit ajornartorsiornerini aningaasaatinut piumasaqaatit eqqortinneqarnissaannut piffissaliussamik Finanstilsynip sivitsuisinnaanera*

Kunngip peqqussutaatigut Kalaallit Nunaanni atuutilersinneqartumik aningaasanik ingerlataqarneq pillugu inatsimmi §§ 124, 125 aamma 125 a aningaasaatinut piumasaqaatit eqqortinneqanngippata ani-ngaaserivimmik, akiligassarsisitsisarfirmmik, aningaasaateqarfinnut akunnermuliuttartumik imaluunniit aningaasaliisarnernik ingerlatsivimmik ingerlatsinissamut akuersissut Finanstilsynimit utertinneqarnissaanik kunngip peqqussutaatigut Kalaallit Nunaannut atuutilersinneqartumik aningaasanik ingerlataqarneq pillugu inatsimmi § 225 peqqusivoq. Aaqqissuussinermi erseqqissarneqarpoq suliami pissutsit aamma suliap qanoq ittuunera eqqarsaatigalugu piffissaliussamik Finanstilsyni sivitsuisinnaasoq.

### *Ajornartoornerup isumagineranut atatillugu paasissutissanik isertuussassanik ingerlatitseqqinneq*

Peqqussutissatut siunnersuutikkut suliffeqarfinnik ajornartoortunik isumaginninnermi nakkutilliiviup, Finansielt Stabilitet A/S-ip aamma soqutigisaqaqatigiit allat, oqartussat il.il. akornanni paasissutissanik paarlaasseqatigiinnissamut Finanstilsyni pitsaanerusermumik periarfissinneqarpoq.

Aammattaaq Finanstilsyni paasissutissanik isertuussassanik inuussutissarsiornermut siuariartornermullu ministerip pilersissimasaanut ataatiimiitalianut, eqimattanut il.il. ingerlatitseqqinnissamut periarfissaqarpoq, taakku siunertaat tassaappat aningaasatigut ajornartoornermi suliniutinut ataqatigiissaarineq aamma/imaluunniit tamat isigalugit aarlerinartunik eqqartuinissaq aaqqiissutissanillu periarfissanik nassaarniarnissaq.

### **3.7 Aningaasaliisartut peqatigiiffii il.il. inatsisip, aningaasanut ingerlataqartut pillugit inatsisip, akileraartarnermik nakkutilliinnermut inatsisip, aktiatigut iluanaarutit akileraarsorsornerinut inatsisip aamma aningaasat naleqarnerulernerisigut iluanaarutinut inatsisip allanngortinnera pillugu inatsit nr. 557, 18. juni 2012-meersumi § 2 (Pappiaqqanut aningaasanik nalilinnut ani-ngaasaateqarfiit aamma aningaasaatinut allanngorartunut aningaasaliinnermut ingerlatseqatigiiffiit, (SIKAV-it) aamma pappiaqqanut aningaasanik nalilinnut aningaasaateqarfinniit il.il. iluanaarutit pillugit nalunaarutigisarneri pillugit maleruagassat)**

Peqqussutissatut siunnersuut aningaasaliisarnermi peqatigiiffiit il.il. pillugit Danmarkimut inatsimmi UCITS-imi malitassap allanngornerata malitsigisaanik arlalinnik allannguutinik imaqarpoq.



Allannguutit SIKAV-*ini* aamma pappiaqqanut aningaasanik nalilinnut aningaasaateqarf*inni* pigineqataassutitigut UCITS-*ini* pigineqataassutinik neqeroruteqarsinnaaneq periarfissaalerpoq.

*Aningaasaliinernik aqutsiner*mi* ingerlatsiv*inni* siulersuisunut aningaasaliisartut sinniisu*ini* qinersineq pillugu maleruagassat allanngortinneqarneri*

Aningaasaliisartut illersorneqarnerisa annertusineqarnissaanut atasumik allannguutissatut siunnersuutigineqartut kinguneraat UCITS-*ini* kiisalu immikkut peqatigiiff*inni* aamma hedgeforeningini, aningaasaliinernik aqutsiner*mi* ingerlatsiviup aqu*taani* aningaasaliisartut – allaffittut imalunniit elektronikkikkut pilersinneqarsinnaasumik – aningaasaliisartut oqalliffiatigut aningaasaliinernik aqutsiner*mi* ingerlatsiviup siulersuisu*ini* aningaasaliisartut sinniisussaannut toqqaanissamut periarfissaqassapput. Siulersuisu*ni* ilaasortat aningaasaliisartunit toqqarneqartut siulersuisu*ni* ilaasinnaanermut pi-umasaqaatinik naammassinnissapput, tassunga ilanngullugu misilittagaqarneq aamma tatiginartuuneq pillugu piumasaqaatinik naammassinnineq.

Aningaasaliinernik aqutsiner*mi* ingerlatsiviup malittarisassai aningaasaliisartut sinniisuat ataatsimiinermi imaluunniit elektronikkikkut qinersinikkut qinerneqartassanersoq pillugu, kiisalu UCITS aamma non-UCITS sinnerlugu aningaasaliinernik aqutsiner*mi* ingerlatsiviup aqu*taanik* pigisat nalillit pigisat naapertorlugit aningaasaliisartut taasisinnaanersut, imaluunniit aningaasat aningaasaliissutigineqartut apequtaatinnagit aningaasaliisut ataasiakkaat tamarmik ataatsimik taasisinnaanersut pillugit aalajangersaassapput.

*Aningaasaliinernik aqutsiner*mi* ingerlatsiviit suliakkiisinnaatitaanerat*

Aamma siunnersuutigineqarpoq SIKAV-*inik*, pappiaqqanut aningaasanik nalilinnut aningaasaateqarf*innik* aamma nunani allaneersunik UCITS-*inik* aqutsiner*mi* aningaasaliinernik aqutsiner*mi* ingerlatsiviit suliassanik suliakkiutigineqartunut tunngasunik pisariillisaaffigineqassasut, taamaalillutik UCITS-*imi* malitassami maleruagassanut naapertuutilerlutik.

### **3.8 Pinngitsoorani digitalikkut atassuteqarneq il.il. pillugu inatsisini aalajangersakkat assi-giinngitsut allanngortinneqarneri pillugit inatsit nr. 1231, 18. december 2012-imeersumi § 35 (Pinngitsoorani digitalikkut atassuteqarneq aamma akisussaaffeqarf*innik* nuussinerup il.il. malitsigisaanik nalimmassaanerit)**

Peqqussutissatut siunnersuut suliffeqarfiit, innuttaasut pisortallu akornanni pinngitsoorani allakatigut digitalikkut attaveqartarneq pillugu maleruagassanik Danmarkimi eqqussisoqarsimanerata malitsigisaanik allannguutinik arlalinnik imaqarpoq.

Peqqussut ilaatigut inuussutissarsiornermut siuariartornermullu ministerimut piginnaatitsissummik imaqarpoq, taanna malillugu inatsit malillugu paasissutissanik paarlaasseqatigiinnermi kiisalu paasissutissanik toqqorsiner*mi* digitalikkut attaveqatigiinnerup atorneqarnissaa pillugu maleruagassanik erseqqinnerusunik taanna aalajangersaasinnaavoq.

Inatsimmik allannguneq aamma pinngitsoorani digitalikkut attaveqatigiinneq pillugu maleruagassat malitsigisaanik arlalinnik allannguinernik imaqarpoq.

### **3.9 Aningaasanik ingerlataqarneq pillugu inatsimmik, pappiaqqanik aningaasanik nalilinnik niuerneq il.il. pillugu inatsimmik, akiliinissamut kiffartuussinerit aamma elektronik-**

**kikkut ani-ngaasat pillugit inatsimmik aamma inatsisunik allanik assigiinngitsunik allann-guineq pillugu inatsit nr. 1287, 19. december 2012-imeersumi § 1 (Unnerluussisuuti-taasunut politiinullu paasissutissanik ingerlatitseqqittarneq, Det Systemiske Rådimik pi-lersitsineq, Det Finansielle Virksomhedsrådip aamma Fondsrådip kattussineri, nalit appar-nerini iluanaaruteqarniarneq, akissaqassutsimut piumasaqaatinik atoritsinermut nutaamik pullaveqarneq aamma allanngorartumik ernialersorneqartuni erniat nalingannik nakkutilli-inermik pilersitsineq il.il.)**

*Akissaqassutsimut piumasaqaatit atuutinnissaannut pullavik nutaaq, tassunga ilanngullugu atu-gassanut killiliisunik aarlerinartunut tapiliussanik aalajangersaanissamut Finanstilsynip periarfis-saqarnera*

Peqqussutissamut siunnersuummi akissaqassutsimut piumasaqaatip naatsorsornissaanut periu-seq nutaaq naammassineqarpoq – 8+-periutsumik taaneqartoq – akissaqassutsimut pisariaqartit-sineq ani-ngaasartuutit annertuumik annaasaqataasinnaasut 8 pct.-inik naatsorsorneqartarluni, aningaaseriviit ataasiakkaat immikkut annertuumik annaasaqaataannik tapilerneqartarlutik.

Akissaqassutsimut pisariaqartitsinerup naatsorsornissaanut periutsumut tassunga ikaarsaarneq ani-ngaaseriviit ilaannut maleruagassanut atuuttunut naleqqiullugu aningaaseriviup akissaqas-sutsikkut pisariaqartitaanut piumasaqaatinik sukaterinermik kinguneqassaaq. Tamanna tunuliaqu-taralugu peqatigisaanik naleqquttutut nalilerneqarpoq aningaasaatinut piumasaqaatit atuutinnis-saanni piumasaqaatip »sakkortuup« aamma »sakkukitsup« akornanni immikkoortitsisoqassasoq, »sakkor-tuumik« (kisiannili appasinnerusumik) qaangiineq ullumikkut kingunerissagaa anin-gaaseriviup akuersissutaa Finanstilsynimit utertinneqarluni, Finanstilsynimit piffissamik aalajan-gerneqartup iluani ani-ngaasaatit piumasarineqartut aningaaserivimmit pissarsiarineqanngippata, § 225, imm. 1 naapertorlugu, »sakkuktisumillu« (aamma qaffasinnerusumik) qaangiinermi pi-umasaqaat aaqiinerit pilersinneqarnissaannik piumasaqaammik ingiaqateqassalluni, tassunga ilanngullugit aningaaserivimmut atugassanut killiliisumik suliniutit naleqquttut, soorlu pilersitsit-seqqinnissamut pilersaarutit aallartinneqarnissaat pillugu piumasaqaat, immikkoortortanik tunisi-nermi, kattunnermik il.il. ataasiakkaanik imaqaarsinnaasoq.

*Allanngorartumik ernialersorneqartuni erniat nalingannik aalajangersaanermik nakkutilliineq*

Allannguutissatut siunnersuutigineqartut allanngorartumik ernialersorneqartuni erniat nalingannik aalajangersaanermik nakkutilliinermut tunngasuupput.

Allannguinermi taamaalilluni aalajangersarneqarpoq allanngorartumik ernialersorneqartuni erniat nali-ngannik aalajangersaanermut toqqammavusut toqqissisimanartuunersut Finanstilsynimit nak-kutigineqassapput, tassunga ilanngullugu ernianik aalajangiisut allanngorartumik ernialersorneqartuni erniat nalingannik nalunaaruteqarnermut pissutsit tunngavusut pillugit naammagartumik tunngavis-saqarnerisoq.

Finanstilsyni aamma nakkutilliineq pillugu maleruagassanik erseqqinnerusunik aalajangersaanis-samut piginnaatinneqarpoq. Tassunga ilanngullugu akiligassarsisitsisarfiit, Danmarkimi nunanilu allani allan-ngorartumik ernialersorneqartuni erniat nalingannik inissiinermi peqataasut, allanngo-rartumik ernialersorneqartuni erniat nalingannik nalunaaruteqarnissamut tulluartumik suleriaaseqassa-sut aamma aalajangersaanermut toqqissisimanartumik periuseqassasut. Taakku saniatigut inissiisut allanngorartumik ernialersorneqartuni erniat nalingannik nalunaaruteqarnermi allannguinerit uppernar-sarsinnaassavaat, assersuutigalugu allanngorartumik ernialersorneqartuni erniat nalingannik nalu-naaruteqarnermi allannguutit pillugit ataatsimoortumik allattuiffimmik ullut tamaasa ingerlataqarni-ku, kiisalu nalunaaruteqarnerup tunuani suut eqqarsaatersuutaanersut. Aamma allanngorartumik

ernialersorneqartuni erniat nalingannik inissiisoq pisussaaffimminik eqqortitsinngippat pineqaatis-siisoqarnissaanut periarfissaq ikkunneqarluni.

#### *Piginnittut ingerlataqarfiit nalunaaruteqartussaataanerat*

Aningaasanik ingerlataqarfiit ingerlatsiinnarnerannut aalajangiisumik pingaaruteqartunik pissutsi-nut tunngasuni aningaasanik ingerlataqarfiit pisussaaffiinik nalunaaruteqartussaataanerup aamma aningaasatigut piginnittut ingerlataqarfinnut ilaatilerlugit annertusineratigut Finanstil-synip nakkutilliinera nukittorsarneqarpoq.

#### *Kattunnerit pillugit maleruagassat nutaat*

Peqqussutissamut siunnersuut aningaasanik ingerlataqarfiit, marluullutik aningaasaatilinnit inger-latseqatigiiffiunngitsut, kattunnissaat pillugu itinerusunik maleruagassanik aalajangersaanissamut inuussutissarsiornermut siuariartormullu ministeri periarfissinneqarpoq, tamatumalu kingune-risussaallugu ingerlatseqatigiiffinnut pineqartunut kattunnissamut periarfissat pitsaannerusut.

#### *Unnerluussisuutitaasunut politiinullu paasissutissanik ingerlatitseqqinnissamut periarfissaq pit-saannerusaq*

Peqqussutissamut siunnersuutikkut unnerluussisuutitaasunik politiinullu Finanstilsynip su-leqateqarnissaanut periarfissaa pitsaanerulerpoq, tassa Finanstilsynip immikkoortuani paasi-niaanissamut eqqartuussivikkullu malersuinissamut naleqqiullugu maannakkut inatsisinut naleqqiullugu piffissakkut siusinnerusukkat paasissutissanik ingerlatitseqqinnissaq periarfis-saalermat.

#### *Tamaat Isigalugu Mianersornartunut Siunnersuisoqatigiit (Det Systemiske Risikoråd)*

Peqqussutissatut siunnersuut Tamaat Isigalugu Mianersornartunut Siunnersuisoqatigiinnut tunn-gatillugu siusinnerusukkat aalajangersakkanik aamma imaqarpoq, tassaasooq aningaasatigut naleqqussaannermi siunnersuisoqatigiit, tamaat isigalugu aningaasatigut mianersornartut pillugit passussineq pillugu Danmarkimi oqartussanut siunnersuisusaaq. Tamaat Isigalugu Mianersornar-tunut Siunnersuisoqatigiit oqartussanut attuumassuteqartunut, naalakkersuisunut tamanullu takusanik, mianersoqqussutinik inassteqaatinillu ingerlatitseqqissinnaavoq.

#### *Det Finansielle Virksomhedsrådip aamma Fondsrådip kattunneqarneri*

Peqqussut aamma Det Finansielle Virksomhedsrådip aamma Fondsrådip kattunneqarnerat pil-lugu aalajangersakkanik imaqarpoq, kattunneqarneranni taaneqarluni »Det Finansielle Råd«. inatsisikkut 268, 25. marts 2014-imeersukkat, peqqussutip matuma peqatigisaanik kunngip peqqussutaatigut Kalaallit Nunaanni atuutilersinneqassasooq siunnersuutigineqartup, Det Finan-sielle Råd atorunnaarsinneqassaaq, taanna Finanstilsynip siulersuisuinit taarserneqarluni.

#### *Finanstilsynip sulinera pillugu tamanut ammasuunerup annertusinera*

Peqqussutissatut siunnersuut aamma isertuannginneq pillugu maleruagassat annertusinerinik imaqarpoq. Taamaalilluni tamanut saqqummiussisarneq pillugu nalunaarutip atuuffia annertusi-

neqarpoq, soorlu aamma Det Finansielle Rådimit nakkutilliinermi qisuariaatit eqqarsaatigalugit tamanut ammanerunissaq eqqunneqartoq kiisalu suliat politiit paasiniaanissaannut tunniunneqartarneri pillugit, tassunga ilanngullugu eqqartuussutip tamakkiisumik ilaannakuusumilluunniit oqaatiginerani imaluunniit akiliisoqarnissaata akuerineqarnerani suliat taakku inaarneqarneri.

Peqatigisaanik allannguutissatut siunnersuutini aningaasanik ingerlataqarnermit paasissutissanut saqqummiunneqartunut immikkut pisoqartillugu qisuariarnissamut Finanstilsyni periarfissaqarlerpoq, Finanstilsyni naliliippat paasissutissat tamanut saqqummiunneqartut ajoqusiinnaasut.

*Finanstilsynip akilerneqarluni suliaassanik isumaginnissinnaanera*

Peqqussutissatut siunnersuut aamma pisortani oqartussat allat, naalagaaffiup suliffeqarfii il.il. sinnerlugit Finanstilsynip suliaassanik akilerneqarluni ingerlataqarsinnaanera pillugu maleruagassanik imaqarpoq, tassunga ilanngullugu Danmarks Nationalbank.

### **3.10 Ingerlatseqatigiiffinnut inatsisip, ukiumoortumik naatsorsuutitut inatsisip inatsisillu allat assigiinngitsut allanngortinneqarneri pillugu inatsit nr. 1383,23. december 2012-imeersumi § 5 (Aqutsivinni qullersani suaassutsikkut katitigaanerit pillugit kisitsisit anguniakkat politikkillu aamma tamanna pillugu nalunaaruteqartarnek pillugu maleruagassanik eqqussineq)**

Peqqussutissatut siunnersuut naligiissitaaneq pillugu inatsimmi Danmarkip allannguuteqarnerata malitsigisaanik allannguutinik imaqarpoq. Allannguutissatut siunnersuutigineqartut sunniutissatut siunertaasut tassaapput aqutsisuni qullersani angutit arnallu naligiinnerusumik agguarsimannissaat.

Peqqussutissatut siunnersuutip kingunerisaanik aningaasanik ingerlataqarfinni aamma aningaasanik piginnittut suliffeqarfinni, EU/EØS-imi nunami niuerfimmi malittarisassaqaartinneqartumi niuernermit atugassanik pappiaqqanik naleqartunik peqartuni, imaluunniit ukiuni naatsorsuseriffiusuni tulleriinni marlunni 500 mio. kr.-inik taakkuluunniit sinnerlugit oqimaaqatigiinnermi aningaasaateqartuni siulersuisut siulersuisuni suaassutsikkut ikippallaamik sinniisoqartut amerlassusissaannik kisitsimmik anguniagassaliissasut, aamma suliffeqarfiup aqutsisuini allani suaassutsikkut ikippallaamik sinniisoqartut amerlassusaat qaffatsinniarlugu politikkilliortoqassasoq.

### **3.11 Aningaasanik ingerlataqarnek pillugu inatsimmi aamma aningaasaleeqqinnermik peqatigiiffiit il.il. pillugit inatsisissamut siunnersuutip malitsigisaanik inatsisini allani assigiinngitsut pillugit inatsit nr. 615, 12. juni 2013-imeersumi § 1.**

Peqqussutissatut siunnersuut aningaasaleeqqinnermik peqatigiiffiit il.il. inatsisip naammassineqarnerata kingunerisaraa, tamatuma kingorna immikkut peqatigiiffiit, hegdeforeningit aamma inuit ikittuinnaat peqatigiiffii akuerisaasimasut toqqaannartumik Finanstilsynimit nakkutigineqarunnaarlutik, akerlianilli aningaasaleeqqinnermik peqatigiiffiit il.il. pillugit Danmarkimut inatsimmut ilaalerlutik. Peqqussutissatut siunnersuutikkut kunngip peqqussutaatigut Kalaallit Nunaanni atuutilersinneqarsimasoq aningaasanik ingerlataqarnek pillugu inatsimmiittut peqatigiiffiit taaneqartut peerneqarput.

## *Suliakkiineq*

Peqqussutikkut suliakkiineq pillugu maleruagassat, tassa imaappoq suliffeqarfiit allat pi-umasaqaatit aalajangersimasut naapertorlugit aningaasaleeqqinnermik peqatigiiffimmik isumaqatigiissuteqarnikkut assersuutigalugu aningaasaliinissaq pillugu siunnersuisarnermik, pappiaqqaanik aningaasanik nalilinnik sulianik isumaginninneq aamma allaffissornikkut suliassat il.il. pillugit suliassanik isumaginninnerat kunngip peqqussutaatigut Kalaallit Nunaanni atuutilersinneqartumi aningaasanik ingerlataqarneq pillugu inatsimmi aalajangersakkanut taamaaqataanut naleqqiullugu eqaannerulersinneqarput, nunani allani UCITS-inik, SIKAV-inik aamma pappiaqqaanut aningaasanik nalilinnut aningaasaateqarfinnik aqutsinermut tunngasunik suliassanik suliakkiisarneq pillugu. Aningaasaleeqqinnermik peqatigiiffimmik aqutsinermut tunngasunik suliakkiineq pineqartillugu taassumalu siulersuisui tamanna pillugu aalajangiissapput.

Peqqussutissatut siunnersuutikkut »pingaarnertut suliassanik« suliakkiinermut maannakkut inerteqqussut atorunnaarsinneqarpoq. Aningaasaliinermik aqutsinermi ingerlatseqatigiiffiit imatut annertutigisumik ingerlatseqatigiiffittut aningaasaateqanngitsutut isigineqarsinnaasumut suliassanik qanoq ilinerani suli-akkiisimanera pillugu maleruagassanik Finanstilsynip aalajangersaasinnaaneramik inerteqqut taarserneqarpoq. UCITS-imi malitassami piunasaqaatigineqarpoq Aningaasaliinermik aqutsinermi ingerlatseqatigiiffiit ingerlatseqatigiiffiussanngitsut aningaasaateqanngitsut. Taamaalilluni ingerlataqartussaapput. Allanguutissatut siunnersuutigineqartut aningaasaliisarnermi aningaasaateqarfinnik allanik aqutsineq pillugu Danmarkimi inatsimmi maleruagassanut assingupput. Tamanna naleqquppoq, ani-ngaasaliisarnermi aningaasaateqarfiit aamma inatsimmi taaneqartumi malittarisassaqaartinneqartunik aningaasaliinermi peqatigiiffinnik aqutsisinnaammata.

*Aningaasaliisarnermi aningaasaateqarfinnik allanik ingerlatsinissamut aamma UCITS-inik aqutsinissamut aningaasaliinermik aqutsinermi ingerlatseqatigiiffiit marloqiusamik akuersissuteqarnerat*

Aningaasaateqarfinnik allanik aqutsineq pillugu Danmarkimi inatsisip akuerineqarnerata kingorna ani-ngaasaliisarnermi aningaasaateqarfinnik allanik ingerlatsinissamut aningaasaliinermik aqutsinermi ingerlatseqatigiiffiit periarfissaqalerput peqatigisaanillu UCITS-inik aqutsinissamut aningaasaliinermik aqutsinermi ingerlatseqatigiiffiit akuersissutertik piginnarlugu (marloqiusamik akuersissuteqartarneq).

Tamatuma kingunerisaanik aningaasaliinermik aqutsinermi ingerlatseqatigiiffiit isumagisassaminik naatsorsuisarnerat pillugu aalajangersakkap allanngortinneqarnissaa siunnersuutigineqarpoq.

## *Sillimmasiisarfiit il.il.*

Peqqussutissatut allanguutissaq aamma UCITS-imi il.il. piginneqataassutini aningaasaliinissamut sil-limmasiisarfiit aamma pensionskarsit periarfissaqarnerat pillugu aalajangersakkat allanngortinneqarput. Siunissami peqqussutissatut siunnersuummi killiliinerit taaneqartut atorlugit UCITS-inik, aningaasaatigut peqatigiiffiini aamma nunat allamiut aningaasaaliisarfiini piginneqataassutinik aningaasaliinissamut periarfissaqalissapput. Immikkut peqatigiiffinni, inuussutissarsuutigalugu peqatigiiffinni aamma inuit ikittuinnaat peqatigiiffiini piginneqataassutini aningaasaliinissamut manna tikillugu periarfissaasunut tamanna naapertuuppoq.

Peqqussutissatut siunnersuummi taamaalilluni siunertaavoq sillimmasiisarfiit aamma pensionskarsit il.il. ullumikkut aningaasaliinissamut periarfissaasut allanngortinneqanngillat, aamma im-

mikkut peqatigiiffiit, inuussutissarsiutigalugu peqatigiiffiit aamma inuit ikittuinnaat peqatigiiffii akuerisaasut il.il. aningaasaateqarfinnik allanik aqutsineq pillugu Danmarkimi inatsimmiit peer-neqarnerinik taakku killilerneqanngillat.

### **3.12 Kukkuersiusunut inatsisip aamma aningaasanik ingerlataqarneq pillugu inatsisip allanngortinneqarnera pillugu inatsit nr. 617, 12. juni 2013-imeersumi § 2 (Kukkuersiusut ilinniartitaanerata aamma aningaasanik ingerlataqarfinni il.il. kukkuersiusunik allagartalersuisarneq)**

Peqqussutissatut siunnersuut kukkuersiusut ilinniartitaanerata aamma aningaasanik ingerlataqarfinni il.il. kukkuersiusunik allagartalersuineranut tunngatillugu kukkuersiusunut inatsisip allanngortinneqarnerata malitsigisaanik arlalinnik allannguutinik imaqarpoq.

#### *Suliffissuup ingerlatseqatigiiffiini kukkuersiusup uppersaanera*

Aningaasanik ingerlataqarneq pillugu inatsit, kunngip peqqussutaatigut Kalaallit Nunaanni atuutilersinneqartoq naapertorlugu aningaasanik ingerlataqarfimmi kukkuersiusoq aamma suliffeqarfiup pigisaani suliffeqarfimmi kukkuersiusuussaaq. Peqqussutissatut siunnersuutikkut suliffissuup marlunnik kukkuersiusoqarsinnaaneranut periarfissamik ikkussisoqarpoq, marlulluutik suliffissuup ingerlatseqatigiiffiini kukkuersiusutut uppersaanerami atsiorsinnaallutik, kukkuersiusup aappaa »aningaaserivimmu allagartaqarluni« aappaalu »sillimmasiisarfimmut allagartaqarluni«. Taamaalilluni kukkuersiusup a-taatsip aningaasanik ingerlataqarfinnik assigiinngitsunut allagartaqarnissaanik piumasaqaat avaqqunneqassaaq, tassa taamatut ittup pissarsiarinissaa ajornakusoorsinnaammat.

#### *Kukkuersiusup allagartalerneqarsimaneranik arsaagaanera*

Peqqussutissatut siunnersuutikkut kukkuersiusoq tamakkiisumik ilaannakuusumilluunniit naammaginangitsumik sulisimasoq, aamma pineqartup kukkuersiuineq illersorneqarsinnaasumik ingerlanniar-simangikkaa tunngavissaqarsorinartoq Finanstilsyni isumaqarpat kukkuersiusup aningaasanik ingerlataqarfinnik aalajangersimasunik kukkuersiusarnissaanut Finanstilsynip arsaarinnissinnaaneranut periarfissaqalerpoq.

Inatsisitigut isumannaatsuuneq pissutigalugu siunnersuutigineqarpoq kukkuersiusup kukkuersiusinnaaneramik arsaarinninnera pillugu Finanstilsynip aalajangiineri aamma eqqartuussivinni misilinneqarsinnaaneri siunnersuutigineqarpoq.

### **3.13 Aningaasanik ingerlataqarneq pillugu inatsimmi, pappiaqqanik aningaasanik nalilinnik niuerneq il.il. pillugit inatsimmi, anigaasatigut patajaatsuuneq pillugu inatsimmi aamma eqqartuussivikkoortumik nalunaarsuineq pillugu inatsit nr. 1613, 26. december 2013-imeersumi § 1 (Obligationinik atuutilersitsineranut atatillugu sinniisut pillugit maleruagasanik eqqussinerami inuussutissarsionerami obligationinut niuerfiup nukittorsarneqarnera aamma aningaaseriviit aningaasaleeqqinnermik nalunaarsuiffinnik pilersitsinissamut, iluummik qularnaveeqqusiilluni taarsigassarsisitsisarfimmi taarsigassarsisunit allaane-**

**rusut illuummik qularnaveeqqusiilluni taarsigassarsisitsisarfiimmit pigineqartunik peqatigiiffimmi sunniuteqarsinnaanerit il.il. periarfissaqalerneq)**

*Aningaasaleeqqinnernik nalunaarsuiffiit pillugit maleruagassanik atuutilersitsineq*

Peqqussutikkut immikkoortumut piginnaatitaasumut pigisanut nalilinnut taarsigassarsianut, akiligassanut aamma attartornermi isumaqatigiissutinut pisinnaatitaaffimminnik tunisinissaq siu-nertaralugu ani-ngaasaleeqqinnernik nalunaarsuiffimmik aningaaseriviit pilersitsinissaannut periarfissiisoqarpoq. Immikkoortoq piginnaatitaasoq aningaaserivimmiit pisiarinqartut pigisat nalillit tamarmiusut tunuliaqutaralugit pappiaqqanik aningaasanik nalilinnik atuutilersitsinnaavoq. Inatsisip allanngortinneqarnerata aningaaseriviit isumannaallisakkanut inuussutissarsiutitigut taarsigassarsianut isersinnaanerit ajornannginnerulissaaq. Isumannaallisaaanermut isersinnaanerup ajornannginnerulersinneranut siunertaq tassaavoq suliffeqarfinnut taarsigassarsisitsisarneq aningaaserivinnut pilerinarnersinnissaa.

Aningaasaleeqqinnernik nalunaarsuiffiup aningaaseriviit akiliisnaassuseqalernissaannut periarfissiisaaq pisullu ilaanni assersuutigalugu siunertamut aalajangersimasumut ingerlatseqatigiiffimmut inuussutissarsiutigalugu taarsigassarsinissamut pisinnaatitaaffimmik tunisnemmikkut aningaasaatitigut oqilisaassillutik. Siunertamut aalajangersimasumut ingerlatseqatigiiffiup pappiaqqat aningaasanik nalillit atuutilersinneqartut inuussutissarsiutigalugu taarsigassarsinnermut immikkoortitanik pisiarinqartuni qularnaveeqqusernerisigut pisineq aningaasalersorsinnaavaa imaluunniit allatigut aningaasaliisussanik pissarsinnermigut, assersuutigalugu nalinginnaasumik taarsigassarsinikkut. isumannaallisakkanik inuussutissarsiutitigut taarsigassarsinissamut periarfissaq nalilernerqarpoq taarsigassarsisitsinissamut aningaaseriviit periarfissaannik nukittorsaassasoq peqatigisaanillu inuussutissarsiutitigut taarsigassarsisitsinissamut aningaaserivinnut pilerinarnersinissalluni, tassa taarsigassarsinerit taamatut ittut ani-ngaasaleeqqinnernik nalunaarsuiffikkut isumannaallisarneqarsinnaammata.

*Pappiaqqani aningaasanik nalilinnik isumannaallisakkanik aningaasaliisunik aningaasaliisartunik illersuineq*

Peqqussut ilaatigut siunertanut aalajangersimasunut ingerlatseqatigiiffimmut aningaaseriviit taarsigassarsianik akiligassanillu tunisaqarnissamut periarfissiivoq, tamatumalu kingorna pappiaqqat aningaasanik nalillit atuutilersinneqartut taarsigassarsiani tunineqartuni isumannaallisarneqarlutik. Taamatut periarfissap kinguneraa aningaasaliisartut suli annertunerusumik illersorneqarnissaanik pisariaqartitsineq, taamaalilluni pappiaqqat aningaasanik nalillit taakku pappiaqqat paasi-uminnatsuunerannik paasinnissamut naammattumik paasisimasaqanngitsunut, pappiaqqat aningaasanik nalillit tunuanni taamaalilluni taakkununga atasunik aarlerinartunik nalilersuisinnaanngitsunut aningaasaliisartunut annikitsunut neqeroortiginenatigut.

Allannguutissatut siunnersuutigineqartumi taamaattumik piumasaqaatiginenarpoq immikkoortumit piginnaatitaasumit pappiaqqat aningaasanik nalillit minnerpaamik 100.000 euronik annertussu- linnik nalunaarsuiffimmi pigisani nalilinni qularnaveeqquserneqartunik atuutilersitsissasoq. Taamatut annikinnerpaaffissamik killiliinerup pappiaqqat aningaasanik nalillit taakku taamaallaat aningaasaliisartunut nappiaqqat aningaasanik nalillit paasiuminaatsuunerannik annaaneqarsin- naanerannillu paasinnissinnaasunut taamaallaat neqeroortiginissaannik nalilersuinnermut naa- pertuuppoq.

*Illuummik qularnaveeqqusiilluni taarsigassarsisitsisarfirmi taarsigassarsisunit allaanerusut illuummik qularnaveeqqusiilluni taarsigassarsisitsisarfirmiit pigineqartunik peqatigiiffimmi sunniuteqarsinnaanerat*

Illuummik qularnaveeqqusiilluni taarsigassarsisitsisarfiit ukiut ingerlanerini ineriartorsimapput, taakkulu ingerlatseriaasiat aqqissugaanerallu tamanna naapertorlugu allanngorsimalluni. Tamatum kingunerisaanik illuummik qularnaveeqqusiilluni taarsigassarsisitsisarfik ullumikut suliffisuup ilagisinnaavaa, illuummik qularnaveeqqusiilluni taarsigassarsisitsisarneq ingerlatat arlallit akornaniissinnaalluni. Peqatigiiffik, illuummik qularnaveeqqusiilluni taarsigassarsisitsisarfirmik piginnittoq, taamaalilluni ani-ngaasanik ingerlataqarfinnut arlalinnut piginnittuulluni ingerlatsiviusinnaavoq, sullitaqarluni illuummik qularnaveeqqusiilluni taarsigassarsisitsisarfirmi taarsigassarsisartunut assersuunneqarsinnaasunik.

Peqatigiiffik ullumikkut illuummik qularnaveeqqusiilluni taarsigassarsisitsisarfirmi taarsigassarsisartunit obligationinillu piginnittuni allaanerusut peqatigiiffiup siulersuisuini ilaasortaatisinnavaai, kisiannili aalajangersagaq taamatut iluseqartillugu, piumasarineqarluni siulersuisuni ilaasortat ikinnerpaamik affai illuummik qularnaveeqqusiilluni taarsigassarsisitsisarfirmi taarsigassarsisuullutik aamma obligationinik piginnittuussallutik.

Allannguutissatut siunnersuutikkut aningaasanik ingerlataqarneq pillugu inatsit, kunngip peqqusutaatigut Kalaallit Nunaanni atuutilersinneqarsimasoq allanngortinneqarpoq, taamaalilluni siunissami illuummik qularnaveeqqusiilluni taarsigassarsisitsisarfirmi taarsigassarsisimasat sania-tigut peqatigiiffimmi ilaasortat aamma peqatigiiffimmi sunniuteqalersinnaallutik aamma tassani siulersuisuni ilaasortassanik toqqaasinnaalerlutik. Allannguut illuummik qularnaveeqqusiilluni taarsigassarsisitsisarfirmi taarsigassarsisimasunit allaanerusut sullinneqartut allat ilaasortaanermik oqartussaaqataanerminnik annertusititsinissamut periarfissaqalerput.

*Sillimmasiisarfimmik piginnittut suliffeqarfik aamma sillimmasiisarfimmik piginnittut suliffeqarfik allanik ilalik pillugu aningaasanik ingerlataqarneq pillugu inatsimmi, kunngip peqqussutaatigut Kalaallit Nunaanni atuutilersinneqartumi nassuiaatit eqqunneqarneri*

Aningaasanik ingerlataqarneq pillugu inatsit atuuttoq, kunngip peqqussutaatigut Kalaallit Nunaanni atuutilersinneqartoq, nalinginnaasumik aningaasatigut piginnittunik suliffeqarfiit pillugit nassuiaammik taamaallaat imaqarpoq, immikkut sillimmasiisarfimmik piginnittut suliffeqarfik aamma sillimmasiisarfimmik piginnittut suliffeqarfik allanik ilalik pillugit nassuiaateqarnani.

Allannguutissatut siunnersuutikkut siunissami aningaasatigut piginnittunik suliffeqarfiit, sillimmasiisarfimmik piginnittut suliffeqarfiit aamma sillimmasiisarfimmik piginnittut suliffeqarfiit allanik ilallit akornanni immikkoortitsisoqartalissaaq. Sillimmasiisarfimmik piginnittut suliffeqarfiit aamma sillimmasiisarfimmik piginnittut suliffeqarfiit allanik ilallit akornanni assigiinngissutaasoq tassaaneruvoq siullertut taaneqartup pingaarnertut siunertaralugu annerusumik sillimmasiisarfinnik suliffeqarfinnik pigisaqarneq, kingullertullu taaneqartup tamanna pingaarnertut siunertarinagu. Sillimmasiisarfimmik piginnittut suliffeqarfiit allanik ilallit killeqartuinnarmik aningaasanik ingerlataqarneq pillugu inatsimmi, kunngip peqqussutaatigut Kalaallit Nunaanni atuutilersinneqartumi maleruagassanik malinnittussaavoq.



Sillimmasiisarfimmik piginnittutut suliffeqarfiit sillimmasiisarfii aningaasaataannut ataasiakkaatullu akissaqassusikkut pisariaqartitanut nalinginnaasumik piumasaqaatinik naammassinnissapput. Tamanna aamma erseqqissarneqarpoq sillimmasiisarfimmik piginnittutut suliffeqarfiit allanik ilallit kunngip peqqussutaatigut Kalaallit Nunaanni atuutilersinneqartumi aningaasanik ingerlataqarneq pillugu inatsimmit takuneqarsinnaasutut akissaqassusermik piumasaqaatinik aamma aarlerinar-tunik aqutsinissamut piumasaqaatinik eqqortitsissanngitsut. Pingaarnertigulli suliffissuup iluani nuussisarnerit pillugit maleruagassanut ilaatinneqassallutik.

*Kunngip peqqussutaatigut Kalaallit Nunaanni atuutilersinneqartumi aningaasanik ingerlataqarneq pillugu inatsimmi §§ 70 aamma 71 pillugit atuuffiit annertusineqarneri, taamaalilluni aalajangersakkat aamma aningaasanik piginnittutut suliffeqarfiit aamma sillimmasiisarfimmik piginnittutut suliffeqarfiit ilaalerlutik*

Peqqussutikkut siunnersuutigineqarpoq aningaasanik ingerlataqarneq pillugu inatsimmi, kunngip peqqussutaatigut Kalaallit Nunaanni atuutilersinneqartumi § 70-imi siulersuisut suliaat pillugit aalaja-ngersakkat annertusineqassasut aamma § 71-imi suliffeqarfiup aaqqissuunneqarneranut piumasaqaatinut aamma aningaasanik piginnittutut suliffeqarfiit ilaalerlutik. Siunnersuutikkut peqatigisaanik peqqussummi § 5, imm. 1, nr. 10-mi aningaasanik piginnittutut suliffeqarfiit pillugit nassuiaammut ilaanngitsut sillimmasiisarfimmik piginnittutut suliffeqarfiit pillugit nassuiaat nutaaq ikkunneqarpoq. Piginnittutut suliffeqarfiit taamatut ittut aamma aalajangersakkanut ilaalissapput.